

Ilinniartitsisunngorlaat meeqqanut inuusuttunullu tarnikkut ajornartorsiutilinnut pitsaanerusemik sullissisnaannngornissaat anguniarlugu ilinniartitsisunngorniarnermi tarnip pissusaa pillugu ikiueqqaarsinnaaneq aammalu meeqqat tarnikkut nappaatigisartagaat pillugit ilisimatusarneq eqqunneqarnissaat anguniarlugu Naalakkersuisut sulissuteqassallutik peqquneqarnissaat pillugu Inatsisartut aalajangiiffigisassaattut siunnersuut.

(Inatsisartunut ilaasortaq Anna Wangenheim, Demokraatit)

Akissuteqaat

(Ilinniartitaanermut, Kultureqarnermut, Timersornermut Ilageeqarnermullu Naalakkersuisoq)

Siullermeerneqarnera

Inatsisartunut ilaasortaq, Anna Wangenheim, Demokraatit siunnersuuteqarneranut Naalakkersuisut sinnerlugit qutsavigaara.

Tarnikkut ikiueqqaarnermut kiisalu meeqqat tarnikkut akornutaannut qaffasissumik piginnaasaqarnerup ilisimasaqarnerullu sulissutiginnissaanut siunnersuuteqartoq Naalakkersuisut isumaqatigaat. Meeqqat pisariaqartitsisut siusissukkut paasineqartarnissaat anguniarneqarpoq, taamaalilluni inuit ilinniagaqarsimasut siusissukkut iliuuseqarsinnaanngorlugit.

Tarnikkut ikiueqqaarneq tunngavimmigut suliniutinik pingasunik imaqarpoq. Alaatsinaanneqassaaq ikiuinissamut pisariaqartitsisoqarnerisooq, tulliatut atuartumik naalliutilimmik oqaloqateqarluartoqassaaq naggataatigullu ikiuinerit pisariaqartinneqartut suliarineqassapput. Kingornatigut suliassamik immikkut ilinniagaqarsimasut soorlu psykologit suleriaqqiinissaq isumagissavaat.

Ullumikkut ilinniartitsisunngorniarneq immikkut ittumik perorsaanermik aamma perorsaanermik ilinniagassani immikkoortunik pinngitsoorani ilinniagassanik imaqarpoq. Meeqqat ajornakusoortuni ilikkartinniarnernannut ilisimasat, piginnaasat piginnaaneqassutsillu ilinniartitsisunngorniat ilikkartarpaat, soorlu meeqqat tarnikkut akornutaannut sianigisaqarneq. Isumaqatigiinnngissuteqarnerit suliarinissaannut, inunnut attaveqartarnissamut kiisalu atuqatigiinnik aqutsinissamut ilinniartitsisunngorlaat piginnaaneqarluartarput. Naak taaguutit assigiinnngissuteqaraluartut isumaqatigiinnngissuteqarnerit suliarinissaannut, inunnut attaveqartarnissamut aqutsinissamullu piginnaasat tarnikkut ikiueqqaarnissamik pisariaqartitsinerup paasinissaanut pingaaruteqarput.

Atuarsimasassanik nutaanik tarnikkut ikiueqqaarnermut aamma meeqqat tarnikkut akornutaannik tunngasunik ilanngussaqarnissaq assut unamminarpoq, tassami ilinniakkamut aaqqissuussineq ulikkaarluinnarsimammat. Tarnikkut ikiueqqaarneq aamma meeqqat tarnikkut akornutaannik ilinniartitsineq inissaqartinneqassappat taava pingaarutillit allat peerneqartariaqassapput.

Taamaattumik Naalakkersuisut pissusissamisoorsoraat tarnikkut ikiueqqaarnermik aamma meeqqat tarnikkut akornutaannik ilinniartitsisut ilisimasaannik nukittorsaanissami periarfissat allat misissorneqarnissaat. Ilinniartitsisunngorlaat kisiisa alaatsinaanneqannginnissaat Naalakkersuisut matumani pingaartippaat.

Taamatut tunngavilersuuteqarlutik Naalackersuisut allannguutissatut siunnersuummik imatut isikkoqartumik saqqummiussipput:

“Inatsisartut aalajangiinissaannut siunnersuut, tarnikkut ikiueqqaarnermik aamma meeqqat tarnikkut akornutaannik ilinniartitsisut ilisimasaannik nukittorsaanissamut periarfissanik Naalackersuisut misissueqqullugit peqquneqassasut siunertaralugu ilinniartitsisut siusissukkut iliuseqarnermi annertunerusumik ikiuttarnissaat. Misissuinnermut nassuiaat innersuussutit ilanngullugit UKA 2023 sioqqullugu Inatsisartunut agguanneqassaaq”.